

Drs. Melva Croes-Yanez:

Dia Mundial di Conscientisacion di Abuso di Anciano

Riba 15 di juni 2006 e red internacional pa prevencion di abuso di anciano, esta 'International Network for the Prevention of Elder Abuse (INPEA)' hunto cu World Health Organization (WHO) di Nacionnan Uni, a proclama 15 di juni como "Dia Mundial di Conscientisacion di Abuso di Anciano" (World Elder Abuse Awareness Day (WEAAD)) como un yamada pa individuonan, organisacionnan, comunidadnan preocupa cu derecho di nos grandinan.

Riba 19 di december 2011, Asamblea General di Nacionnan Uni a reconoce Abuso di Anciano como un problema social mundial, cu ta afecta salud y derechonan humano di miyones di anciano y cu merece atencion internacional.

"E Meta di e Dia Mundial di Conscientisacion di Abuso di Anciano (WEAAD) tapa duna oportunidad na comunidadnan rond mundo pa ta mas consciente di abuso y negligencia di e persona di tercer

edad /anciano y pa trece e aspectonan cultural, social, economico, demografico y di salud, cu ta afecta abuso di anciano, incluso negligencia." Rond mundo abuso di anciano ainda ta un taboe y no ta wordo reconoci ni raporta tampoco manera mester ta.

Reconoce señalnan di Abuso di Anciano

Un aspecto importante den prevencion di abuso den nos comunidad ta pasa con ta reconoce señalnan ora un anciano ta wordo maltrata of explota.

Aki ta sigui solamente un par di señal di alerta di varios tipo/sorto di abuso of negligencia:

- Falta di higiena basico, alimentacion inadecua, falta di supervision di un persona cu trastorno neuro cognitivo di e tipo Alzheimer, of un vivienda den mal estado- tur esaki ta cay bou señalnan di abandono, incluyendo negligencia pa e propio persona.

- Si un adulto mayor di edad den un estado vul-

nerabel ta firma transferencia di propiedad inespera of ta duna "regalanan" financiero excesivo, esaki por nifica cu e anciano aki por ta victima di explotacion financiero.

- Cambio diripiente of caracteristico den conducta di un persona mayor di edad -of conducta agresivo y denigrante di un cuidado- por indica abuso psicologico of emocional.

- Lesionnan inexplicabel of splica no adecuadamente por ta un señal di maltrato fisico.

- Si sospecha maltrato di personanan mayor di edad, ta recomenda di tuma contacto cu polis of Defensor di Pueblo dirigi na cuidu di nos grandinan. Si e persona ta den peligro, avisa 911 mesora.

- Abuso den casnan di cuidu, hospital, etc., tambe mester wordo denuncia/raporta na instancianan hudicial.

- Pa un lista mas extenso di señalnan di alerta na Papiamentu por tuma contacto cu Fundacion Alzheimer Aruba.

Algun tip pa preveni abuso di anciano y pa promove derechonan di personanan mayor di edad

A pesar di tur informacion no agradabel tin un serie di cosnan concreto cu cada un di nos por haci pa preveni abuso di anciano continuamente:

1. Educa bo mes. Unabes cu bo a siña reconoce e señalnan di maltrato, ta hopi mas facil pa raporta e sospechonan di maltrato na e momento oportuno.

2. Keda of mantene bo mes den estado di alerta. Keda den contacto frecuente cu bisiñanan di mas edad, cu amigonan, y e famia y raporta sospechonan di abuso na e instancianan ya menciona.

3. Aporta na aumenta conscientisacion: Papiamentu e tema, skirbi den pagina editorial den prensa local of saca articulonan tocante bo caso. Tuma un posicion contra stereotipo existente of actonan discriminatorio di nos grandinan.

4. Contribui bishitando un persona mayor di edad cu ta

biba su so, invita e persona aki na un actividad of pidi pe siña bo un habilidad nobo.

5. Inscribi bo mes como voluntario na un organisacion cu ta para contra abuso di anciano, tambe por inscribi bo mes na un organisacion cu ta parti cuminda saludabel pa nos grandinan, etc.

Proyecto "stop abuso di anciano" activo desde 2009 na Aruba

Na 2009 Fundacion Alzheimer Aruba (F.A.A.) a bira miembro internacional di INPEA y ta apoya e trabou di trece conscientisacion riba e materia aki na Aruba cu e proyecto "stop abuso di anciano". Na 2009 Fundacion Alzheimer Aruba a ranca sali cu algun articulo tocante maramento di anciano pa tempo no defini. E tarea di conscientisacion aki no ta un tarea facil.

Continua riba Pagina 11

Continuacion di Pagina 10

Esaki pa motibo cu ainda hopi biaha e cuidado/famia sa bira defensivo ora trece sospecho di maltrato/abuso di anciano dilanti.

Compara cu otro paisnan, na Aruba tambe ainda ta existi un taboe enorme y tin un tendencia di haci comosifuera e abuso nan aki no ta tuma luga of no ta existi mes. Ni den facilidadnan di cuida-

temporal of permanente of den nos comunidad en general. Si un sospecho of un caso wordo cuestiona, esaki ta lanta un liña di defensa y hasta atakenan. Un di e motibonan pa e defensa aki ta pasobra e maneho riba tereno di bienestar di nos grandinan cu tin un of otro handicap ta laga hopi di desea. Y sa di keda solamente riba papel.

Un ehempel: Un anciano cu a wordo maltrata pa su cuida-

do y cu muestra di herida, sa di haya solamente un scual y e instancia no ta tuma ni e denuncia di bay pidi despena na e victima di abuso aki. Sino ta skirbi simplemente un carta di lamento, mientras e abuso a wordo comete na un ser humano cu merece di wordo respeta como tal. Tambe tin caso di abuso cu ora esakinnan wordo raporta ta wordo bagatelisa y tapa. Esunnan cu ta duna keho cerca e instancia

concerni, sa sali decepciona y ta keda sufri den silencio. Hopi biaha pasobra nan no sa mas unda pa busca comprension.

Tambe tin caso di personan cu te dia di awe nunca ser haya;anto riba un isla asina chikito manera Aruba y unda famianan ta haya tende cu e ta un caso friu y por bien warda pa 5 aña pasa pa declara esun perdi morto. Esakinan ta al-

gun ehempel cu na nan turno por habri porta pa un abuso no wordo raporta, pasobra esaki 'no ta wordo tuma na serio y no ta wordo investiga optimal.

Pa mas informacion riba e topico aki por tuma contacto cu Fundacion Alzheimer Aruba, mencionando Proyecto "stop abuso di anciano"

Tel: 5928416 tambe por bishita nos pagina riba Facebook. 